

萬有文庫

第二集七百七種

王雲五主編

漢書補注

(四十三)

王先謙補注

商務印書館發行

漢書補注

(四十三)

王先謙補注

國學基本叢書

公孫劉田王楊蔡陳鄭傳第三十六

漢書六十六

漢 蘭 臺 令 史班 固 撰

唐正議大夫行祕書少監琅邪縣開國子顏師古 注

賜進士出身前翰林院編修國子監祭酒加三級臣王先謙補注

公孫賀字子叔北地義渠人也賀祖父昆邪

師古曰昆音戶門反補注錢大昭曰攷功臣表賀是昆邪之子祖字衍

景帝時爲隴西守呂將軍

擊吳楚有功封平曲侯著書十餘篇

師古曰藝文志陰陽家有公孫渾邪十五篇是也

賀少爲騎士

補注周壽昌曰昆邪以罪免故賀未嗣侯

從軍數有

功自武帝爲太子時賀爲舍人及武帝卽位遷至太僕賀夫人君孺衛皇后姊也賀由是有寵元光中

爲輕車將軍軍馬邑後四歲出雲中後五歲呂車騎將軍從大將軍青出有功封南甯侯

臣瓚曰茂陵中書云封南甯侯

表亦作翫師古曰甯翫二字同耳音普教反補注先謙曰官本注云作賀侯上翫字作甯

後再呂左將軍出定襄無功坐酎金失侯復呂浮沮將軍出五

原二千餘里無功

師古曰沮音子闔反

後八歲遂代石慶爲丞相封葛繹侯

補注周壽昌曰武帝太初二年

時朝廷多事督責大

臣。師古曰：督謂察視也。自公孫弘後，丞相李蔡、嚴、青翟、趙周三人比坐事死。師古曰：比類也。石慶雖曰謹得終，然數被譴。

初，賀引拜爲丞相，不受印綬，頓首涕泣曰：「臣本邊鄙，弓牽馬騎，射爲官材，誠不任宰相。上與左右見賀，

悲哀感動下泣，曰：「扶起丞相，賀不肯起，上迺起去。賀不得已拜出，左右問其故，賀曰：「主上賢明，臣不足

弓稱，恐負重責，從是殆矣。」師古曰：殆，危也。賀子敬聲代賀爲太僕，父子並居公卿位，敬聲弓皇后姊子，驕奢不

奉法，征和中擅用北軍錢千九百萬，發覺下獄。是時詔捕陽陵朱安世，不能得上求之急，賀自請逐捕

安世，弓贖敬聲罪，上許之。後果得安世，安世者京師大俠也。〔補注〕周壽昌曰：游俠傳獨不敘朱安世，以其造巫蠱之亂貽貳國家，不足稱俠也。聞賀欲

弓贖子。〔補注〕先謙曰：官本下有罪字是。笑曰：「丞相禍及宗矣。南山之竹不足受我辭，斜谷之木不足爲我械。」師古曰：斜谷名也，其中多

木，械謂桎梏也。言我方欲告丞相事，獄辭且多械繫方久，故云然也。斜音弋奢反。安世遂從獄中上書告敬聲與陽石公主私通。師古曰：武帝女。及使人巫祭

祠詛，上且上甘泉當馳道埋偶人。師古曰：甘泉宮在北山，故欲往，皆言上也。刻木爲人，象人之形，謂之偶人，偶並也。對也。〔補注〕劉邠曰：使人巫多人字。祝詛有惡言，下有司

案驗賀窮治所犯遂父子死獄中家族巫蠱之禍起自朱安世成於江充遂及公主皇后太子皆敗語

在江充戾園傳

師古曰武五子傳敘戾太子諡戾而置園邑故云戾園也〔補注〕錢大昕曰外戚王夫人傳云語在戾太子傳劉屈氂傳云語在太子傳〔上文有戾字故但稱太子〕而此與江充傳俱稱戾園亦例之一也

劉屈氂武帝庶兄中山靖王子也

師古曰屈音丘勿反又音其勿反〔補注〕周壽昌曰此宗室爲相之始

不知其始所旨進征和二年春制詔

御史故丞和賀倚舊故據高執而爲邪

師古曰帝爲太子賀已爲舍人故云舊故〔補注〕先謙曰官本據作乘

興美田旨利子弟賓客不顧元元

無益邊穀

如淳曰戍邊卒糧乏不能爲方計日益之也

貨賂上流

師古曰丞相貪冒受賂于下故使衆庶貨賄上流執事者也

朕忍之久矣終不自革

師古曰革改也

迺旨

邊爲援

如淳曰使內郡自作車耕者自轉所旨饒邊饒邊所目行恩施爲己名援也或曰旨胡爲援也〔補注〕先謙曰用邊郡吏自援助蓋受其貨賂而行此不公平之政也饒邊以爲名其過尙小未至死罪若以胡爲援又豈得稱胡爲邊乎

使

內郡自省作車

服虔曰詐令內郡自省作車轉輸也邊屯無事之時宜自治作車目給軍用師古曰令郡自省減諸餘功用而作車也省音所領反

又令耕者自轉

文穎曰自輪穀於邊〔補注〕先謙曰官本

注在農下

旨困農煩擾畜者

〔補注〕先謙曰畜者謂養馬之民

重馬傷耗武備衰減

師古曰重謂懷孕者也言轉運之勞畜產疲困故反使懷孕者爲之傷耗目減武備也耗音呼到反〔補注〕

注〕先謙曰官本注無反字引宋祁曰故字下景本有反字

下吏妄賦百姓流亡又詐爲詔書旨姦傳朱安世

師古曰傳逮捕也

獄已正於理

〔補注〕

劉敞曰獄合屬上句先謙曰理法官

其呂涿郡太守屈鼂爲左丞相分丞相長史爲兩府呂待天下遠方之選

師古曰待得賢人當拜爲右丞

相〔補注〕宋祁曰長史下當添使字李慈銘曰此武帝有意欲復惠帝高后時兩府之舊而本紀及表敘俱未載

夫親親任賢周唐之道也呂澎戶二千二百封左丞相爲

澎侯

服虔曰澎音彭營灼曰東海縣〔補注〕齊召南曰案地理東海郡無澎縣先謙曰澎卽彭也說詳表

其秋戾太子爲江充所譖殺充發兵入丞相府屈鼂挺身

逃亡其印綬

師古曰挺引也獨引身而逃難故失印綬也

是時上避暑在甘泉宮丞相長史乘疾置呂聞

師古曰置謂所置驛也

上問丞相

何爲對曰丞相祕之未敢發兵上怒曰事籍籍如此何謂祕也

師古曰籍籍猶紛紛也〔補注〕錢大昭曰景十三王傳云國中口語籍籍憤無復至江都皆言諛聒

之意先謙曰本書籍藉通假

丞相無周公之風矣周公不誅管蔡乎乃賜丞相璽書曰捕斬反者自有賞罰呂牛車爲

櫓

師古曰櫓櫓也遠與敵戰故曰車爲櫓用自蔽也一說櫓望敵之樓也

毋接短兵多殺傷士衆

師古曰用短兵則士衆多死傷

堅閉城門毋令反者得出太子

既誅充發兵宣言帝在甘泉病困疑有變姦臣欲作亂上於是從甘泉來幸城西建章宮詔發三輔近

縣兵部中二千石呂下丞相兼將太子亦遣使者橋制

師古曰橋與矯同其字從手橋制託稱詔命也

赦長安中都官囚徒

師古曰京

師諸官府

發武庫兵。命少傅石德及賓客張光等分將。使長安囚如侯持節。發長水及宣曲胡騎。

師古曰。長水校名。宣曲宮。

也。並胡騎所屯。今鄠縣東長水鄉。卽舊營校之地。〔補注〕宋祁曰。持節發下。別本有兵字。先謙曰。發字下屬爲一句。別本誤。長水宣曲胡騎。皆長水校尉所掌。見百官表。營近長水。故以爲名。

皆呂裝會侍郎莽通使長安。

〔補注〕劉敞曰。以當作已。先謙曰。官本攷證云。莽通。武紀作馬通。本姓馬也。後漢明德皇后惡其先人有反者。易其姓爲莽。見孟康注。

因追捕如侯。告胡人曰。節有詐。勿聽也。遂斬如

侯。引騎入長安。又發輯濯士。呂子大鴻臚商丘成。

師古曰。輯濯士。主用輯及濯行船者也。短曰輯。長曰濯。輯音集。字本從木。其音同耳。濯字本亦作濯。並音直孝反。

初漢

節純赤。呂太子持赤節。故更爲黃旄。加上呂相別。太子召監北軍使者任安。發北軍兵。安受節已。閉軍

門。不肯應太子。

〔補注〕先謙曰。褚補史記任安傳。安爲北軍使者護軍。太子立車北軍南門外。召安與節。令發兵。安拜受節。入閉門不出。

太子引兵去。毆四市人。

師古曰。毆與驅同。〔補注〕先謙曰。通

鑑胡注。廟記曰。長安市有九。各方二百六十五步。六市在道西。三市在道東。凡四里爲一市。此言四市。蓋以東西南北分爲市也。一說。四市者。東市。西市。直市。柳市。先謙案。此時倉卒烏集。何能定爲某市之人。四市人。猶言諸市人耳。四者。廣博之詞。胡說失之泥矣。

凡數萬衆。至長樂西闕下。

〔補注〕先謙曰。官本闕作關。

逢丞相軍。合戰五日。死者數萬人。血流入溝中。

師古曰。溝。街衢之旁通水者也。〔補

注〕先謙曰。官本注無也字。

丞相附兵浸多。

師古曰。浸。漸也。

太子軍敗。南奔覆盎城門。得出。

師古曰。長安城南出頭第一門曰覆盎城門。一號杜門。〔補注〕先謙曰。胡注。黃圖。長樂



宮在東直杜門。故太子戰敗長樂闕下。南奔覆盎城門而出亡也。

會夜。司直田仁部閉城門。坐令太子得出。丞相欲斬仁。御史大夫暴勝之謂

丞相曰。司直吏二千石。當先請。奈何擅斬之。丞相釋仁。

師古曰。釋放也。

上聞而大怒。下吏責問御史大夫曰。司

直縱反者。丞相斬之法也。大夫何呂擅止之。勝之皇恐自殺。及北軍使者任安坐受太子節。懷二心。司

直田仁縱太子。皆要斬。

〔補注〕先謙曰。稽補史記。安嘗辱北軍錢官小吏。小吏上書言之。以爲受太子節。言幸與我其鮮。上好者。書上聞。武帝曰。是老吏也。見兵事起。欲坐觀成敗。見勝者欲合從之。有兩心。下安吏誅死。

上

曰。侍郎莽通獲反將如侯。長安男子景建從通獲少傅石德。可謂元功矣。大鴻臚商丘成力戰。獲反將

張光。其封通爲重合侯。建爲德侯。成爲程侯。

孟康曰。程音姁。在濟陰成武。今有亭。

諸太子賓客嘗出入宮門。皆坐誅。其隨太

子發兵。呂反。法族。吏士劫略者。皆徙燔煌郡。

師古曰。非其本心。然被太子劫略。故徙之也。〔補注〕先謙曰。官本燔作敦。

呂太子在外。始置屯兵。長安

諸城門。後二十餘日。太子得於湖。語在太子傳。

師古曰。湖縣名。

其明年。貳師將軍李廣利將兵出擊匈奴。丞相

爲祖道。送至渭橋。

師古曰。祖者。送行之祭。因設宴飲焉。

與廣利辭決。廣利曰。願君侯早請昌邑王爲太子。

如淳曰。漢儀注。列侯爲丞相。稱君侯。師古曰。楊



惲傳丘常謂惲爲君侯。是則通呼列侯之尊稱耳。非必在於丞相也。如氏之說。不爲通矣。〔補注〕周壽昌曰。顏駁如說。雖是。而不盡然也。楊敞傳爲丞相。封安平侯。敞夫人謂敞曰。使九卿來報君侯。亦列侯爲丞相稱。君侯之證。丘常借尊稱以詔惲。非典故也。如據漢舊儀爲說。自是正論。後漢以來。凡尊官俱稱君侯。六朝更濫矣。

如立爲帝。君侯長何憂乎。

師古曰。如若也。

屈釐許諾。昌邑王者。貳師將軍女弟李夫人

子也。貳師女爲屈釐子妻。故共欲立焉。是時治巫蠱獄急。內者令郭穰告丞相夫人。呂丞相數有譴。使

巫祠社祝詛主上。有惡言。及與貳師共禱祠。欲令昌邑王爲帝。有司奏請案驗。罪至大逆不道。有詔載

屈釐廚車呂佺。

師古曰。廚車。載食之車也。佺。行示也。

要斬東市。妻子梟首華陽街。

〔補注〕先謙曰。胡注。長安城中八街華陽其一也。

貳師將軍妻子亦收。

貳師聞之。降匈奴。宗族遂滅。

車千秋。本姓田氏。

〔補注〕周壽昌曰。項安世云。田千秋好乘小車。子孫遂爲車氏。案其子田順嗣侯。尙爲田氏。則更爲車氏之說未確。

其先齊諸田徙長陵。

師古曰。劉敬所言徙關東大族者。〔補注〕

先謙曰。官本注末有也字。

千秋爲高寢郎。

師古曰。高廟衛寢之郎。

會衛太子爲江充所譖。敗。久之。千秋上急變。訟太子寃。

師古曰。所告非常故

云急變也。

曰。子弄父兵。罪當笞。天子之子。過誤殺人。當何罪哉。臣嘗夢見一白頭翁教臣言。是時上頗知太

子惶恐無他意。乃大感寤。召見千秋至前。千秋長八尺餘。體貌甚麗。

〔補注〕周壽昌曰。麗字不訓美好。公孫宏傳亦有此語。言其容貌俊偉而光明也。

武帝見而說之。

師古曰。說讀曰悅。

謂曰。父子之間。人所難言也。公獨明其不然。此高廟神靈。使公教我。

〔補注〕何焯曰。千秋。

高寢郎。又自言白頭翁教之言。故曰此高廟神靈使公。

公當遂爲吾輔佐。立拜千秋爲大鴻臚。

師古曰。當其立見而卽拜之。言不移時也。〔補注〕朱一新曰。立拜。特言其速。顏因上有召見字。曲爲傳合。

耳。賈捐之傳。立拜爲冀州刺史。立止。皆與此義同。豈亦立見乎。

數月。遂代劉屈氂爲丞相。封富民侯。千秋無他材能術學。又無伐閱功勞。

師古曰。伐。

積功也。閱。經歷也。〔補注〕周壽昌曰。伐閱卽閱閱。猶門第也。門在左曰閱。門在右曰閱。史記功臣年表。人臣功有五品。明其等曰閱。積日曰閱。後漢章帝紀。或起剛畝。不繫閱閱。與此同意。

特召一言寤意。旬月取宰相

封侯。世未嘗有也。後漢使者至匈奴。單于問曰。聞漢新拜丞相。何用得之。

師古曰。言此人何召得爲相也。

使者曰。召上書

言事故。單于曰。苟如是。漢置丞相。非用賢也。妄一男子上書。卽得之矣。

〔補注〕蘇輿曰。妄一男子。當作一妄男子。晏子諫下。則要有壹妄能書。足以治

之矣。語意正同。

使者還道。單于語。武帝曰。爲辱命。欲下之吏。良久。迺貫之。

師古曰。貫。寬縱也。謂釋放之也。其下亦同。

然千秋爲人。敦厚有

智。居位自稱。踰於前後數公。

師古曰。言其稱職也。

初。千秋始視事。見上連年治太子獄。誅罰尤多。羣下恐懼。思欲

寬廣上意尉安衆庶

師古曰尉安之字本無心也是目漢書往往存古體字焉〔補注〕宋祁曰當刪字字錢大昭曰胡建傳所以尉薦走卒甚得其心注云尉者自上安之也韓安國傳云猶頗可得以尉士大夫心師古曰故尉安之

字正如此其後流俗乃加心耳案王嘉傳遣使者賜金尉厚師丹傳有以尉復師傳之臣龔遂傳選用良吏尉安牧養焉宣元六王傳益封孝王萬戶以尉其意王莽傳宜令州郡且尉安之皆不從心迺與御史中二千石共上

壽頌德美勸上施恩惠緩刑罰玩聽音樂養志和神爲天下自虞樂

師古曰虞與娛同

上報曰朕之不德自左

丞相與貳師陰謀逆亂巫蠱之禍流及士大夫

師古曰謂與太子戰死者也〔補注〕劉攽曰既云自左丞相流及士大夫則不及太子時人也

朕日一食者累月

迺何樂之聽痛士大夫常在心既事不咎

師古曰言既往之事不可追咎

雖然巫蠱始發詔丞相御史督二千石求捕

師古曰督察視也

廷尉治未聞九卿廷尉有所鞫也

師古曰鞫問也〔補注〕先謙曰鞫謂明治其罪

曩者江充先治甘泉宮人轉至未央椒房

師古曰椒房殿名皇后所居也

呂及敬聲之疇李禹之屬謀入匈奴有司無所發

〔補注〕先謙曰敬聲公孫賀子禹李廣孫事見廣傳疇疇通借字發謂發

其

事今丞相親掘蘭臺蠱驗所明知也

〔補注〕先謙曰百官表御史中丞在殿門蘭臺掌圖籍祕書据此蘭臺在殿門外

至今餘巫頗脫不止

師古曰言往往尙爲蠱也〔補注〕

注〕先謙曰餘巫頗脫逃在外尙爲蠱不止

陰賊侵身遠近爲蠱朕媿之甚何壽之有

〔補注〕先謙曰官本甚作其

敬不舉君之觴

〔補注〕周壽昌曰臣下上壽允之則

曰敬舉君之觴如兒寬是也。不允則曰敬不舉君之觴如田千秋是也。後書明帝紀十七年百官公卿奉觴上壽制答之末云不敢有辭其敬舉觴蓋中興後制尙如此

謹謝丞相二千石各就館。師古曰謝告也館宮舍也

〔補注〕先謙曰官本宮作官是

書曰毋偏毋黨王道蕩蕩

師古曰周書洪範之辭也

毋有復言

師古曰不許其更請

後歲餘武帝疾立皇子鉤弋夫人

男爲太子

師古曰鉤弋宮名也昭帝母趙婕妤居之故號鉤弋夫人也

拜大將軍霍光車騎將軍金日磾御史大夫桑弘羊及丞相千秋

並受遺詔輔道少主

師古曰道讀曰導

武帝崩昭帝初卽位未任聽政

師古曰年幼故未堪聽政〔補注〕宋祁曰正文未任王本作未堪

政事壹決大

將軍光千秋居丞相位謹厚有重德每公卿朝會光謂千秋曰始與君侯俱受先帝遺詔今光治內君

侯治外宜有目教督使光毋負天下

師古曰督視也〔補注〕先謙曰督責也

千秋曰唯將軍畱意卽天下幸甚終不肯有所

言光以此重之每有吉祥嘉應數褒賞丞相訖昭帝世國家少事百姓稍益充實

〔補注〕先謙曰益漸進也

始元六年

詔郡國舉賢良文學士問民所疾苦於是鹽鐵之議起焉

師古曰議罷鹽鐵之官令百姓皆得煮鹽鑄鐵因總論政治得失也〔補注〕先謙曰此議因千秋不言宏

羊力持鹽鐵卒不能罷但罷榷酤而已班於贊中痛責千秋而附宏羊誅滅事於此傳末所以深致其不然也

千秋爲相十二年薨諡曰定侯初千秋年老上優之朝見

得乘小車入宮殿中。故因號曰車丞相。子順嗣侯。官至雲中太守。宣帝時。呂虎牙將軍擊匈奴。坐盜增

鹵獲自殺。

〔補注〕錢大昭曰。表作虜獲。鹵虜通用字。

〔補注〕周壽昌曰。千秋尙有弟爲鹵谷關都尉。一子爲雒陽武庫令。見魏相傳。

桑弘羊爲御史大夫。八年。自呂爲國家

興權筦之利。

師古曰。權。謂專其利。使入官也。筦。卽管字也。義與幹同。皆謂主也。權解在昭紀。〔補注〕宋祈曰。權從木。俗從才者非。

伐其功。

師古曰。自矜其功也。

欲爲子弟得官。怨望霍光與

上官桀等謀反。遂誅滅。

王訢。濟南人也。

師古曰。訢字與欣同。

呂郡縣吏積功。稍遷爲被陽令。

孟康曰。故千乘縣也。被音罷。師古曰。音皮彼反。

武帝末。軍旅數發。郡國盜

賊羣起。繡衣御史暴勝之使持斧逐捕盜賊。呂軍興從事。誅二千石。呂下勝之過被陽。欲斬訢。訢已解

衣伏質。

師古曰。質。鎡也。欲斬人皆伏於鎡上也。鎡音竹林反。

仰言曰。使君顓殺生之柄。威震郡國。

師古曰。爲使者。故謂之使君。使音所吏反。顓與專同。

今復斬一訢。不

足呂增威。不如時有所寬。呂明恩貸。

師古曰。貸。猶假也。言饒假之貸。音士戴反。〔補注〕先謙曰。官本注在死力下。

令盡死力。勝之壯其言。貫不誅。因

與訢相結厚。勝之使還薦訢。徵爲右輔都尉。守右扶風。上數出幸安定北地。過扶風。宮館馳道脩治。供

張辨

師古曰：供音居，用反。張音竹亮反。〔補注〕錢大昭曰：辨，古辦字。攷工記云：或審曲而執，以辨民器。鄭注：辨，猶具也。釋文：辨，皮瓦反。特牲饋食禮云：宗人告有司具。鄭注：具猶辨也。易：剝牀以辨。徐音辦，具之辨。說文：辦字在新附中。先謙曰：官本辨作辦。

武帝嘉之，駐車拜，訴爲眞，視事十餘年。昭帝時爲御史大夫，代車千秋爲丞相，封宜春侯。明年薨，諡曰

敬侯。子譚嗣。呂列侯與謀廢昌邑王，立宣帝。

師古曰：與讀曰豫。

益封三百戶，薨。子咸嗣。王莽妻卽咸女，莽篡位。

宜春氏呂外戚寵。

張晏曰：莽諱取同姓，故氏侯邑也。師古曰：此說非也。若云王氏則與莽族相涉，故呂侯號稱之耳。莽本呂與譚得姓不同，祖系各別，故爲婚娶，既非私竊，不須避諱，諱亦不可掩也。〔補注〕宋祁曰：掩一作下。

自訴

傳國至玄孫，莽敗，迺絕。

楊敞，華陰人也，給事大將軍莫府，爲軍司馬。

〔補注〕先謙曰：又爲長史，見昭紀及燕王旦傳。

霍光愛厚之，稍遷至大司農。元鳳中，稻

田使者燕倉。

〔補注〕先謙曰：官本倉皆作蒼。

知上官桀等反謀，呂告敞，敞素謹，畏事，不敢言，迺移病臥。

師古曰：移病，請呂書言病。一曰：呂病而移居也。

〔補注〕先謙曰：官本請呂作謂移。

呂告諫大夫杜延年，延年呂聞，蒼延年皆封，敞呂九卿不輒言，故不得侯。

師古曰：聞之，不卽告言也。

遷御史大夫，代王訢爲丞相，封安平侯。明年，昭帝崩，昌邑王徵卽位，淫亂，大將軍光與車騎將軍張安

世謀欲廢王更立議既定使大司農田延年報徹徹驚懼不知所言汗出洽背徒唯唯而已師古曰唯唯恭應之辭也

音弋延年起至更衣師古曰古者延賓必有更衣之處也徹夫人遽從東箱師古曰遽速也補注何焯曰徹夫人是後妻非司馬遷女觀下惲傳中後母無子之文可證謂徹曰此國

大事今大將軍議已定使九卿來報君侯君侯不疾應與大將軍同心猶與無決先事誅矣師古曰與讀曰豫

延年從更衣還徹夫人與延年參語許諾師古曰三人共言故云參語請奉大將軍教令遂共廢昌邑王立宣帝宣帝

卽位月餘徹薨補注周壽昌曰帝六月卽位徹以八月薨諡曰敬侯子忠嗣呂徹居位定策安宗廟益封三千五百戶忠弟惲

字子幼師古曰惲音於粉反補注朱一新曰監本惲下重一惲字提行先謙曰官本重惲字提行呂忠任爲郎補常侍騎師古曰爲騎郎而常侍故謂之常侍騎也惲母司馬遷女也

惲始讀外祖太史公記頗爲春秋呂材能稱好交英俊諸儒名顯朝廷擢爲左曹霍氏謀反惲先聞知

因侍中金安上召見言狀霍氏伏誅惲等五人皆封補注錢大昭曰五人闕本作有功案功臣表是時同日封者張章董忠金安上及惲有四人其一人史高在外戚

侯表惲爲平通侯遷中郎將郎官故事令郎出錢市財用給文書迺得出名曰山郎張晏曰山財用之所出故取名焉補注錢大昭曰



此郎非尙書晉灼曰五日一洗沐也師古曰言出財用者雖非移病盡一日輒償一沐休沐常得在外也貧者實病皆曰沐假償之也郎是宿衛郎

日出游戲或行錢得善部師古曰郎官之職各有主部故貨賂流行傳相放效師古曰放音發往反憚爲中郎將罷山郎

移長度大司農應劭曰長久也一歲之調度也蘇林曰簿書給繇之長也師古曰應說是也言總計一歲所須財用及文書之調度而移大司農目官錢供給之更不取於郎也〔補注〕宋祈曰簿書給繇之長也別本

給作餘無繇字其疾病休謁洗沐皆目法令從事郎謁者有罪過輒奏免薦舉其高弟有行能者至郡守九卿

郎官化之莫不自厲絕請謁貨賂之端令行禁止宮殿之內翕然同聲由是擢爲諸吏光祿勳〔補注〕錢大昭

曰加諸吏者始見於此然孝文時賈山上至言已云又選其賢者使爲常侍諸吏則官制久矣親近用事初憚受父財五百萬及身封侯皆目分宗族後母無子

財亦數百萬死皆予憚憚盡復分後母昆弟再受訾千餘萬皆目分施其輕財好義如此憚居殿中廉

絜無私郎官稱公平然憚伐其行治師古曰自矜其節行及政治之能也又性刻害好發人陰伏同位有忤己者必欲害之

目其能高人由是多怨於朝廷與太僕戴長樂相失卒目是敗師古曰卒終也長樂者宣帝在民間時與相知

及卽位。拔擢親近。長樂嘗使行事。隸宗廟。

服虔曰。兼行天子事。先隸習威儀也。師古曰。隸。音戈二反。〔補注〕錢大昭曰。隸。闕本作肆。下副帝隸及注同。先謙曰。官本同。隸肆古通。

還謂掾

史曰。我親面見受詔。副帝隸。稭侯御。

師古曰。我副帝隸。而稭侯適爲御耳。御。謂御車也。稭。音丁故反。〔補注〕先謙曰。稭侯金賞也。

人有上書告長樂。非所宜言。

事下廷尉。長樂疑。憚教人告之。亦上書告憚罪。高昌侯車犇入北掖門。

師古曰。犇。古奔字也。〔補注〕先謙曰。高昌侯董忠。

憚語富平

侯張延壽曰。聞前曾有犇車抵殿門。

師古曰。抵。觸也。音丁禮反。〔補注〕先謙曰。官本無犇字。

門關折。馬死。而昭帝崩。今復如此。天時。

非人力也。左馮翊韓延壽有罪。下獄。憚上書訟延壽。郎中丘常謂憚曰。聞君侯訟韓馮翊。當得活乎。憚

曰。事何容易。脛脛者未必全也。

師古曰。脛脛。直貌也。〔補注〕周壽昌曰。脛脛。卽脛脛。通借字。

我不能自保。

師古曰。言我尙不能自保。訟人何自得活。

眞人所謂鼠不

容穴銜竄數者也。

李奇曰。眞人。正人也。如淳曰。所目不容穴。坐銜竄數自妨。故不得入穴。師古曰。竄數。戴器也。竄。音其羽反。數。音山羽反。解在東方朔傳。憚自云。今之訟人。亦於已有妨。〔補注〕宋祈曰。正文數者也。多也字。何焯曰。眞人。

猶云。誠若人言也。李注非。先謙曰。官本注不得入穴下有也字。竄數非戴器。詳東方朔傳。

又中書謁者令宣持單于使者語。視諸將軍中朝二千石。

師古曰。謂譯者所錄也。視。

讀曰示。〔補注〕先謙曰。中書謁者令。成帝改爲中謁者令。見百官表。

憚曰。冒頓單于得漢美食好物。謂之殍惡。單于不來明甚。

師古曰。時使者曰。單于欲來朝。故憚云不來。